



Službeni glasnik

GRADA GRADAČAC

Službeni glasnik izlazi po potrebi	BROJ 9/25 GRADAČAC Petak, 22.08.2025.god.	"Službeni glasnik" izdaje Gradsko vijeće Gradačac. Za izdavača: Nedžad Šečić predsjedavajući Gradskog vijeća. Štampa: "EKEprint" Gradačac
---------------------------------------	--	---

1.

Na osnovu člana 13. stav 2. alineja 5. i 18. Zakona o principima lokalne samouprave u FBiH ("Službene novine FBiH", broj 49/06 i 51/09), člana 21. tačka 7. Statuta Grada Gradačac ("Službeni glasnik Grada Gradačac", broj 10/22), na prijedlog Gradonačelnika Grada Gradačac, razmatrajući Odluku o prihvatanju grant sredstava Investicionog okvira za zapadni Balkan (WBIF), Gradsko vijeće Grada Gradačac na 5. hitnoj sjednici održanoj 21.08.2025. godine, donosi:

ODLUKU **o prihvatanju grant sredstava Investicionog** **okvira za zapadni Balkan (WBIF)**

Član 1.

Ovom Odlukom uređuje se način prihvatanja grant sredstava i procedure realizacije grant sredstava, i druga pitanja koja su predmet Odluke.

Član 2.

Grad Gradačac prihvata grant sredstva od strane Investicionog okvira za zapadni Balkan (WBIF) u iznosu od 2.457.500 EUR-a (dodatna sredstva od 465.000 EUR u odnosu na ranije odobrena sredstva 1.992.500 EUR) po „UGOVORU O IZMJENAMA I DOPUNAMA BR. 1“ na Ugovor o grantu od 26. oktobra 2020. godine u vezi s investicijskim grantom iz Evropskog zajedničkog fonda za Zapadni Balkan za „Projekat vodosnabdjevanja Gradačac“ za finansiranje Projekta Vodosnabdjevanje Gradačac (u daljem tekstu Projekt).

Član 3.

Dodatna sredstva granta iz člana 2. ove Odluke koristiti će se za refundaciju sredstava korištenih za finansiranje rekonstrukcije postojećih azbestnih

cijevi i poboljšanje vodoopskrbnog sistema, nedovoljnog kapaciteta i trošne mreže u središnjem gradskom području Grada Gradačca.

Član 4.

Za realizaciju ove Odluke ovlašćuje se Gradonačelnik da zaključi Amandman br. 1. na "Podugovor o grantu", za Projekat iz člana 2. ove Odluke između Federacije BiH i Grada Gradačac, Grada Gradačca i JP Komunalac d.d. Gradačac, i provede ostale procedure u skladu sa zakonom i ovom Odlukom.

Član 5.

Gradonačelnik se ovlašćuje da potpiše bjanko mjenice, koje će Grad Gradačac dostaviti Federaciji BiH, kojima Grad Gradačac ovlašćuje Federaciju BiH da primljene bjanko mjenice može koristiti za naplatu dospjelih potraživanja u slučaju nenamjenskog trošenja grant sredstava.

Član 6.

Ova Odluka dostavit će se Federalnom ministarstvu finansija – Federalnom ministarstvu financija na dalje postupanje.

Član 7.

Ova Odluka stupa na snagu osmog dana od dana objavljivanja u «Službenom glasniku Grada Gradačac».

BOSNA I HERCEGOVINA
FEDERACIJA BOSNE I HERCEGOVINE
TUZLANSKI KANTON
GRAD GRADAČAC
- Gradsko vijeće -

Broj:01-04-347/25
Datum:21.08.2025.god.
G r a d a č a c

PREDSJEDAJUĆI
GRADSKOG VIJEĆA
Nedžad Šečić, s.r.

2.

Na osnovu člana 14. stav 4. Zakona o eksproprijaciji („Službene novine Federacije BiH“, broj: 70/07, 36/10, 25/12 i 34/16), člana 13. stav 2. alineja 18. Zakona o principima lokalne samouprave u FBiH („Službene novine FBiH“, broj 49/06 i 51/09), člana 21. tačka 26. Statuta Grada Gradačac („Službeni glasnik Grada Gradačac“, broj 10/22), rješavajući po prijedlogu JU Direkcija regionalnih cesta TK, za utvrđivanje javnog interesa radi izgradnje pješačke staze (trotoara) pored regionalne ceste R - 465 dionica: Kerep - Zelinja (granica FBiH) dionica od raskršća za Toke do raskršća za Međidu u Kerepu u dužini cca L=1.400,00 m, Gradsko vijeće Grada Gradačac na 5. hitnoj sjednici održanoj 21.08.2025.godine, donosi

ODLUKU

o utvrđivanju javnog interesa radi izgradnje pješačke staze (trotoara) pored regionalne ceste u k.o. Kerep

1. Utvrđuje se da je od javnog interesa izgradnja pješačke staze (trotoara) pored regionalne ceste R-465 dionica:Kerep-Zelinja (granica FBiH) dionica od raskršća za Toke do raskršća za Međidu u Kerepu u dužini cca L=1.400,00 m, koja obuhvata parcele označene kao:
 - dio k.č.br.182/2 NURIĆKA šuma 2.klase površine 1129 m² površina za eksproprijaciju iznosi 19 m²,
 - dio k.č.br.182/6 NURIĆKA prilazni put površine 321 m², površina za eksproprijaciju iznosi 10 m², obje upisane u Pl 518 k.o. Kerep posjed D.S. MJESNA ZAJEDNICA sa 1/1, obje uknjižene u Zk.ul.br.891 k.o. Kerep kao državno vlasništvo sa 1/1.
2. Određuje se da je JU Direkcija regionalnih cesta TK korisnik potpune eksproprijacije.
3. Ova odluka objaviti će se u „Službenom glasniku Grada Gradačac“.
4. Protiv ove odluke može se pokrenuti upravni spor podnošenjem tužbe kod Kantonalnog suda u Tuzli, u roku od 30 dana od dana dostavljanja odluke. Tužba se podnosi neposredno Sudu.

Obrazloženje

Gradskom vijeću Grada Gradačac putem Gradske službe za imovinsko-pravne i geodetske poslove obratila se JU Direkcija regionalnih cesta TK zahtjevom za utvrđivanje javnog interesa radi izgradnja pješačke staze (trotoara) pored regionalne

ceste R-465 dionica:Kerep-Zelinja (granica FBiH) dionica od raskršća za Toke do raskršća za Međidu u Kerepu u dužini cca L=1.400,00 m, jer je urađen Glavni projekat izgradnje pješačke staze (trotoara) urađen od strane CPK d.o.o. Banja Luka od oktobra 2022 godine.

U zahtjevu su naveli da je Odlukom Gradskog vijeća Grada Gradačac broj:01-04-394/2022 od 29.12.2022.godine utvrđen javni interes za izgradnju pješačke staze (trotoara) pored regionalne ceste R-465 dionica:Kerep-Zelinja (granica FBiH) dionica od raskršća za Toke do raskršća za Međidu u Kerepu u dužini cca l=1.400,00 m.

Nadalje su naveli da su se imovinsko pravni odnosi na ovoj dionici puta rješavali tokom 2024. i 2025 godine.

Takođe su naveli da je detaljnim uvidom u Glavni projekat izgradnju pješačke staze (trotoara) uočeno da je elaborat eksproprijacije u dijelu površina koje se zauzimaju izgradnjom pješačke staze nije obuhvatio dijelove parcela označenih kao k.č.br.182/6 i k.č.br.182/2 k.o.Kerep.

Iz tog razloga tražili su dopunu javnog interesa za izgradnju pješačke staze pored regionalne ceste R- 465 dionica:Kerep-Zelinja (granica FBiH) dionica od raskršća za Toke do raskršća za Međidu u Kerepu u dužini cca l=1.400,00 m na parcelama označenim kao k.č.br.182/2 NURIĆKA šuma 2.klase površine 1129 m² i k.č.br.182/6 NURIĆKA Prilazni put površine 321 m², obje upisane u Pl 518 k.o.Kerep posjed D.S. MJESNA ZAJEDNICA sa 1/1, obje uknjižene u zk.ul.br.891 k.o. Kerep kao državno vlasništvo sa 1/1.

Na postojećoj regionalnoj cesti R-465 dionica: Kerep-Zelinja (granica FBiH) dionica od raskršća za Toke do raskršća za Međidu u Kerepu u dužini cca l=1.400,00 m riješeni su imovinsko-pravni odnosi sa svim posjednicima i vlasnicima zemljište uz cestu koji su bili obuhvaćeni javnim interesom.

Investitor rekonstrukcije i korisnik potpune eksproprijacije je JU Direkcija regionalnih cesta TK.

Iz tog razloga podnijeli su zahtjev Gradskom vijeću Grada Gradačac da se na osnovu člana 14.stav 4 . Zakona o eksproprijaciji („Službene novine Federacije BiH“, broj 70/7, 36/10, 25/12 i 34/16) donese Odluka o utvrđivanju javnog interesa za radi izgradnja pješačke staze (trotoara) pored regionalne ceste R-465 dionica:Kerep-Zelinja (granica FBiH)

raskršća za Toke do raskršća za Međidu u Kerepu u dužini ccc L=1.400,00 m kojom će biti obuhvaćene i izostavljene parcele.

Shodno odredbama čl.14.stav 4.Zakona o eksproprijaciji ("službene novine F BiH", br. 70/07, 36/10, 25/12 i 34/16) određeno je da odluku o utvrđivanju javnog interesa za izgradnju objekta ili izvođenje radova na području općine, donosi Općinsko vijeće, na čijem području se namjerava graditi objekat ili izvoditi radovi u skladu sa planskim dokumentima prostornog uređenja.

**BOSNA I HERCEGOVINA
FEDERACIJA BOSNE I HERCEGOVINE
TUZLANSKI KANTON
GRAD GRADAČAC
- Gradsko vijeće -**

**Broj:01-04-348/25
Datum:21.08.2025.god.
G r a d a č a c**

**PREDSJEDAVALAČ
GRADSKOG VIJEĆA
Nedžad Šečić, s.r.**

1.

Na osnovu člana 15. Zakona o principima lokalne samouprave u Federaciji Bosne i Hercegovine („Službene novine Federacije Bosne i Hercegovine“ broj: 49/06 i 51/09) i člana 39. stav 1. tačka 6. Statuta Grada Gradačac („Službeni glasnik Grada Gradačac“, broj: 10/22), Gradonačelnik Grada Gradačac, *donosi*

**P R A V I L N I K
o utvrđivanju uslova, kriterija i postupka za
ostvarivanje prava na dodjelu plastenika,
sistema za navodnjavanje, sjemenskog/sadnog
materijala, kristalona i popratne opreme u
Projektu „Ekonomsko osnaživanje socijalno i
materijalno ugroženih osoba i mladih osoba kroz
plasteničku proizvodnju povrća u plastenicima“
u 2025. godini na području grada Gradačac**

I OSNOVNE ODREDBE

Član 1.

Pravilnikom o utvrđivanju uslova, kriterija i postupka za ostvarivanje prava na dodjelu plastenika i opreme u Projektu “Ekonomsko osnaživanje socijalno i materijalno ugroženih osoba i mladih osoba kroz plasteničku proizvodnju povrća u plastenicima” u 2025. godini na području grada Gradačac (u daljem tekstu: Pravilnik), reguliše se dodjela 20 plastenika od po 100 m² sa sadnim/sjemenskim materijalom, sistemom za navodnjavanje, kristalonima i dodatnom opremom, osiguranih kroz projekat „Ekonomsko osnaživanje socijalno i materijalno ugroženih osoba i mladih osoba kroz plasteničku proizvodnju povrća u plastenicima” u 2025. godini na području grada Gradačac (u daljem tekstu: Projekat), koji zajednički realizuju nevladina organizacija Muslim Aid Association i Grad Gradačac, po principu sufinansiranja Projekta u omjeru, 40% donatorska sredstva osigurana od strane Muslim Aid Association , 50% sredstva osigurana u Budžetu Grada Gradačac i 10% vlastito učešće odabranog korisnika.

Član 2.

Pravo na dodjelu plastenika u ovom Projektu imaju socijalno ili materijalno ugrožene osobe, i mlade osobe u dobi od 18 do 35 godina sa područja grada Gradačac, pod uslovom, da posjeduju vlastito poljoprivredno zemljište ili je zemljište u vlasništvu članova uže porodice po pravoj liniji (majka, otac, djed i dr.), kao i zemljište koje im je ustupljeno na korištenje ili u zakup na period ne manji od 3 (tri) godine, a koje je u neposrednoj blizini

(manje od 1 km putne komunikacije) stambenog objekta u kojem stanuju. Pravo na dodjelu plastenika u ovom Projektu nemaju lica koja su dobila donaciju u mehanizaciji i opremi za poljoprivrednu proizvodnju, od Grada Gradačaca, nadležnih ministarstava, humanitarnih i drugih organizacija u posljednje tri godine, kao ni lica koja ne pripadaju kategorijama navedenim u stavu 1. Ovog člana. Pravo na dodjelu plastenika u ovom Projektu nemaju zaposlenici i članovi uže porodice zaposlenika Muslim Aid Association i Grada Gradačaca. Pravo učešća nemaju lica koja su u proteklom vremenskom periodu nenamjenski koristila dobijena sredstva od strane Grada Gradačaca i Muslim Aid Association.

II USLOVI ZA DODJELU PLASTENIKA OD 100 m² SA SISTEMOM ZA NAVODNJAVANJE, SADNIM/SJEMENSKIM MATERIJALOM I DODATNOM OPREMOM,

Član 3.

Podnositelj prijave treba da ispunjava sljedeće opće i posebne uslove:

1. OPĆI USLOVI:

- da je nezaposlena osoba ili osoba sa minimalnim primanjima prema kriterijumima iz člana 4. Ovog Pravilnika ili mlada osoba u dobi od 18 do 35 godina, sa prebivalištem na području grada Gradačac,
- da je nosilac ili član poljoprivrednog gazdinstva upisanog Registar poljoprivrednih gazdinstava i Registar klijenata u Gradu Gradačac (RPG i RK). Prijavljeni kandidati ukoliko nisu upisani u RPG i RK, uz prijavu dostavljaju ovjerenu izjavu da će registrovati poljoprivredno gazdinstvo u RPG i RK, u roku od 30 (trideset) dana od dobijanja pisane obavijesti o dodjeli plastenika.
- da je podnositelj prijave ili član njegove uže porodice vlasnik ili posjednik poljoprivrednog zemljišta pogodnog za plasteničku proizvodnju ili da je poljoprivredno zemljište uzeto na korištenje ili u zakup na period ne manji od 3 (tri) godine i da se zemljište nalazi u neposrednoj blizini stambenog objekta u kojem stanuje,
- da postoji mogućnost adekvatnog navodnjavanja plastenika,
- da u trenutku prijave za učešće u ovom projektu nema više od 100 m² plastenika u svom posjedu ili posjedu člana uže porodice (plasteničnik sa metalnom konstrukcijom i bočnim ventiliranjem),
- da će sufinansirati 10% od nabavne cijene plastenika sa dodatnom opremom, (370,00 KM),
- da obavezno prisustvuje edukaciji iz oblasti plasteničke proizvodnje koju organizuju Muslim Aid Association i Grad Gradačaca,
- da u posljednje tri godine nije ostvarivao-la pravo na

donaciju u mehanizaciji i opremi za poljoprivrednu proizvodnju, od Grada Gradačaca, nadležnih ministarstava, humanitarnih i drugih organizacija,

- da će dodijeljeni plasteničnik zadržati u vlasništvu najmanje 3 godine od potpisivanja Ugovora.

2. POSEBNI USLOVI

- broj članova domaćinstva,
- broj nezaposlenih punoljetnih članova zajedničkog domaćinstva uključujući i podnositelja prijave,
- broj izdržavanih članova zajedničkog domaćinstva (djeca, nezaposleni članovi koji nisu na evidenciji osoba Biroa za zapošljavanje Gradačac),
- samohrani roditelji,
- mlade osobe starosti do 35 godina,
- mlade osobe koje imaju otvoren poljoprivredni obrt kao osnovnu djelatnost uslovi za plasteničku proizvodnju (položaj plastenika, mogućnost navodnjavanja, vjetrovitost, blizina stambenog objekta i sl.),
- socijalni aspekt (stanje na terenu, imovno stanje, opći dojam i sl.)

III KRITERIJI ZA BODOVANJE PODNOSITELJA PRIJAVE

Član 4.

a) Pogodnost poljoprivrednog zemljišta za plasteničku proizvodnju i mogućnost navodnjavanja (utvrđuje komisija za dodjelu plastenika na licu mjesta):

- slabi uslovi (veliki nagib – preko 10°, udaljenost od kuće više od 500 m ali ne više od 1000 m, parcela vrlo malo osunčana) **1 bod**,
- dobri uslovi (nagib od 5° do 10°, udaljenost od kuće do 500 m, parcela relativno dobro osunčana) **2 boda**,
- jako dobri uslovi (blag nagib – do 5°, udaljenost od kuće do 200 m, dobar pristup, parcela osunčana) **3 boda**.

Kandidati kod kojih se na terenu utvrdi da parcele ne ispunjavaju gore navedene karakteristike ili ne postoji jakim udarima vjetra, veliki nagib, nadmorska visina, erozija tla i sl. neće se bodovati, odnosno njihove prijave se neće uzeti u razmatranje.

- b) Pripadnost nekoj od sljedećih kategorija:
- podnositelj prijave je nezaposlena osoba **4 boda**
 - za svakog punoljetnog nezaposlenog člana uže porodice, koji se nalazi na evidenciji nezaposlenih osoba Biroa za zapošljavanje Gradačac **1 bod**,
 - za svakog izdržavanog člana porodice (nezaposlene osobe koji se ne nalaze na evidenciji nezaposlenih osoba na Birou za zapošljavanje Gradačac

- (domaćice, djeca, učenici i sl.).....**1 bod**,
 - podnosilac prijave koja ima otvoren poljoprivredni obrt kao osnovna djelatnost.....**4 boda**,
 - podnosilac prijave mlada osoba životne dobi od 18 do 35 godina**4 boda**,
 - ako je podnosilac zahtjeva samohrani roditelj **3 boda**,

c) Prihodi domaćinstva:

- ako su primanja po članu domaćinstva do 50,00 KM **7 bodova**,
 - ako su primanja po članu domaćinstva od 50,01 KM do 100,00.....**6 bodova**,
 - ako su primanja po članu domaćinstva od 100,01 KM do 150,00**5 bodova**,
 - ako su primanja po članu domaćinstva od 150,01 KM do 200,00 KM.....**4 boda**,
 - ako su primanja po članu domaćinstva od 200,01 KM do 250,00 KM**3 boda**,
 - ako su primanja po članu domaćinstva od 250,01 KM do 300,00 KM**2 boda**,
 - ako su primanja po članu domaćinstva od 300,01 KM do 350,00 KM.....**1 bod**,
 - ako su primanja po članu domaćinstva preko 350,01 KM **0 bodova**.

d) Socijalni aspekt (stanje na terenu, imovno stanje, opći dojam i sl.).....**od 0 - 7 boda**, (utvrđuje komisija za dodjelu platenika izlaskom na teren)

Kada kandidati pri bodovanju imaju isti broj bodova, prednost će imati kandidati koji imaju status mlade osobe, nakon toga, kandidati sa većim brojem članova uže porodice, a zatim kandidati sa većim brojem nezaposlenih članova uže porodice.

IV OBJAVA JAVNOG POZIVA I IZBOR KANDIDATA

Član 5.

Grad Gradačac objavljuje javni poziv za dodjelu platenika iz ovog Projekta na web stranici Grada Gradačac i na oglasnoj ploči Grada Gradačac. Javni poziv sadrži uslove i kriterije koje kandidat mora ispunjavati, potrebnu dokumentaciju i krajnji rok za prijavu. Nepotpune i neblagovremene prijave neće se uzeti u razmatranje.

Član 6.

Izbor kandidata za dodjelu platenika vrši komisija za odabir kandidata na osnovu uslova i kriterija iz ovog Pravilnika.

Komisiju iz prethodnog stava imenuje Gradonačelnik, a sastoji se od tri člana, od kojih su dva predstavnici Grada Gradačac, a jedan predstavnik Muslim Aid Association. Zadatak

Komisije je da u roku od dvadeset dana od završetka javnog poziva izvrši pregled prispjelih prijava, evidentiranje kandidata koji ispunjavaju uslove iz javnog poziva, obavi uvidaj na licu mjesta, izradi zapisnik o radu i sačini rang listu kandidata na osnovu utvrđenih kriterija za bodovanje. Saglasnost na predloženu rang listu kandidata daje Gradonačelnik Grada Gradačac. Rang lista odabranih kandidata se objavljuje na oglasnoj ploči Grada Gradačac i službenoj web stranici Grada Gradačac. Na objavljenu listu kandidat može podnijeti prigovor drugostepenoj komisiji (koju imenuje Gradonačelnik) u roku od 5 (pet dana) od dana njene objave na web stranici i oglasnoj ploči Grada Gradačac. Drugostepena komisija se sastoji od tri člana od kojih su dva predstavnici Grada Gradačaca, a jedan predstavnik Muslim Aid Association. Nakon isteka roka za prigovor i nakon rješavanja po uložnim prigovorima komisija za odabir kandidata donosi konačnu rang listu na koju Gradonačelnik daje saglasnost, te se ista objavljuje na oglasnoj ploči i dostavlja Muslim Aid Association na dalju proceduru.

V POTREBNA DOKUMENTACIJA

Član 7.

Uz prijavu na javni poziv za dodjelu platenika iz ovog Projekta obavezno se prilaže sljedeća dokumentacija:

1. Prijavni obrazac, (preuzima se na u šalter sali, u Pisarnici Grada Gradačac),
2. Anketni upitnik sastavljen od strane Muslim Aid Association,
3. Potvrda o prebivalištu (CIPS prijava) ili ovjerena kopija lične karte,
4. Ovjerena kućna lista,
5. Dokaz o nezaposlenosti svih punoljetnih članova zajedničkog domaćinstva izdat od Biroa za zapošljavanje Gradačac. Za nezaposlene osobe koje nisu prijavljene na Biro za zapošljavanje Gradačac, prilaže se potvrda da se osobe ne vode u evidenciji osiguranih osoba, izdata od Porezne uprave Gradačac,
6. Kopija potvrde o upisu u Registar poljoprivrednih gazdinstava i Registar klijenata (RPG i RK) izdata od nadležne gradske službe za poslove poljoprivrede. Prijavljeni kandidati ukoliko nisu upisani u RPG i RK, uz prijavu dostavljaju ovjerenu izjavu da će registrovati poljoprivredno gazdinstvo u RPG i RK, u roku od 30 dana od dobijanja pisane obavijesti o dodjeli platenika.
7. Potvrde škole/fakulteta za djecu/izdržavane članove domaćinstva, a za djecu predškolskog uzrasta priložiti rodni list,
8. Kopija Rješenja o registraciji poljoprivrednog obrta

9. Potvrda da je poljoprivredni obrt aktivan
 10. Uvjerenje o visini prihoda ili platna lista za svakog zaposlenog člana domaćinstva sa kućne liste, za penzionere posljednji ček od penzije, a za korisnike stalne socijalne pomoći, prilaže se rješenje Centra za socijalni rad Gradačac o visini socijalne pomoći,
 11. Vlasništvo ili posjed nad parcelom koja se namjerava koristiti za instaliranje plastenika (kopija ZK izvadka ili Posjedovnog lista, ili ugovor o zakupu/korištenju parcele),
 12. Dokaz da je samohrani roditelj (smrtni list ili dokaz o razvodu braka ili drugi dokument kojim aplikant može dokazati da je samohrani roditelj),
 13. Ovjerena izjava da u trenutku prijave za učesće u javnom pozivu za dodjelu plastenika iz ovog Projekta, nema više od 100 m² plastenika u svom posjedu ili posjedu užeg člana domaćinstva,
 14. Ovjerena izjava da će korisnik dodijeljenog plastenika isti zadržati u vlasništvu najmanje 3 godine od dana potpisivanja ugovora,
 15. Ovjerena izjava da prijavljeni kandidat u posljednje 3 godine nije ostvario pravo na donaciju, dodjelu ili sufinansiranje nabavke plastenika, od Grada Gradačac, nadležnih ministarstava, humanitarnih i drugih organizacija,
 16. Ovjerena izjava da prijavljeni kandidat nije član uže porodice Muslim Aid Association i Grada Gradačac.
 17. Ovjerena izjava da će sufinansirati 10% od nabavne cijene plastenika sa dodatnom opremom, (370,00 KM),
 18. Ovjerena izjava da će obavezno prisustvovati edukaciji iz oblasti plasteničke proizvodnje.
- Izjave pod rednim brojevima 13, 14, 15, 16,17 i 18 podnose se na propisanom obrascu izjave, koju će propisati Gradska služba za privredu, razvoj i poduzetništvo i koja će se moći preuzeti na u šalter Sali Grada Gradačaca.

Član 8.

Između NVO Muslim Aid Association, Grada Gradačac i odabranih korisnika zaključit će se tripartitni ugovori kojim će biti regulisana međusobna prava i obaveze učesnika u ovom Projektu. Ugovore iz prethodnog stava, u ime Grada Gradačac potpisat će Gradonačelnik.

Član 9.

Pravilnik stupa na snagu danom donošenja, a objaviće se u Službenom glasniku Grada Gradačac i web stranici Grada Gradačac.

S A D R Ź A J
“Službenog glasnika Grada Gradačac” broj 9/25

AKTI GRADSKOG VIJEĆA SA 5. HITNE SJEDNICE ODRŽANE 21.08.2025. g.

1. Odluka o prihvatanju grant sredstava Investicionog okvira za zapadni Balkan (WBIF) 482
2. Odluka o utvrđivanju javnog interesa radi izgradnje pješačke staze (trotoara) pored regionalne ceste u k.o. Kerep 483

AKTI GRADONAČELNIKA

1. Pravilnik o utvrđivanju uslova, kriterija i postupka za ostvarivanje prava na dodjelu plastenika, sistema za navodnjavanje, sjemenskog/sadnog materijala, kristalona i popratne opreme u Projektu „Ekonomsko osnaživanje socijalno i materijalno ugroženih osoba i mladih osoba kroz plasteničku proizvodnju povrća u plastenicima“ u 2025. godini na području grada Gradačac484
-